

# WEURDJE VANNE VORST

Het liëktj es of het gister waas, det wèe alweer ônger ein straolendje zôn op 't Dörp stônge ôm het noëve karnavalssezoen te opene. Gezellig ôngerein, mèt get offisjeel mômente mer veural mèt plezeer! Det môtte wèe missjien miër doon: ins ter oët kôme ôm same van 't lèeve te geneete! Ich zag het nog in miene spietsj: *Veul minse staon allewel veul te zoor in 't lèeve. En det terwiel ter meïstal echt mer weinig is ôm op aaf te gèeve!*

Laot ôs den ouch dit jaor ins gruuëts zeen op het positieve in ôs lèeve, oppe familie en vrunj diejse hōbs. Op het veurbiej gaon vanne versjillendje sezoe, en op 't besef wiej good det wèe het eïgelik hōbbe. Laot ôs gruuëts zeen op ôs dörpkje Kinder. Op Biësel, Geïstinge, Kèsing, Ophove: oppe hiël fusiej. Want same hōbse miër plezeer den allein en same mèt diej versjillendje kirkdörpe make wèe ôs fusiej tot ei prachtig gehiël!

Dao staon ôs de kômendje tiëd nog hiël get sjoën karnavalsdaag te wachte. Wèe beginne op **dônderdig 27 fibrewariej** mèt ôs **dialektoëtzending op Radio Monza**. Stömtj aaf op 106,5 FM **tösse 16:00 en 23:00** veur eine houp sjèele zeiver en ei pak karnavalsplate!

Op **zôndig 2 miërt** is het tiëd veur de jaorlikse **groëte stoet** door de


Kinderse straote. Vanaaf 14:11 beginne de wagens te trèkke. Achteraaf is eederein welkôm inne Fanfarezaal, boë wèe het fiëst wiëjer zette tot ei kot inne nacht! Eine daag later, op **maandig 3 miërt**, is het opnoew te doon inne Fanfarezaal: den is het tiëd veur het **verklèdj bal**. Doot uch get sjoëns aan, zèt uch desnoëds ei mômbakkes op, en kôm aaf!

Op **woonsdig 5 miërt** zitj de karnaval in aod Kinder ter weer op veur dit jaor, den gaon wèe de **Kinderse cafeekes** aaf veur eine **hiëring mèt uuënje**. Hopelik kôme wèe ôs ouch dao tege.

Aan eedere karnavalist en neet-karnavalist wil ich sjoën karnavalsdaag winse! Det wèe gruuëts moge blieve op d'n eine, d'n angere.

Zweitzökskes alaa! Gaaplepels alaa! Ertesjieters alaa!  
**Rabbedabbers alaa!**  
**Kinder alaa!!**

# RABBEDABBERS 2014



## MÈT IN DEES EDISIE

- Proklamasie Prins Bart II
- Proklamasie Jeugdprins Stef I & Jeugdprinses Lotte II
- Èerdbiëre-ottomaat Roijakkers groët sukses!
- TomorrowTwan!
- Karnaval wirktj verzooring maatsjappiëj inne handj!
- Weer ei wèereldrekord in Kinder!
- Fusiej voetbal neet vanzelfsprèkendj!
- RUP 2025: groëte gevolge veur Kèsing!
- Bekkeriëj Martens ôntwikkeldj speedy-pas!
- Aoj sporthal weurdj daagopvang sinjore!
- Ôngerzeuk bewiëstj: in Kinder zeen BMW-sjeffeurs neet het agressiefs!
- Ôzze burgemeister twittertj ter op los!
- Ein iërbetoën aan Jan Linssen!



# PROKLAMASIE PRINS BART II



Gedaon te Kinder inne sporthal oppe 37e prinse-  
zitting van 11 januariej 2014 door ugge  
37e groëte prins van de Rabbedabbers van  
Kinder, Graaf van de Steyvershofstraot,  
Hertog vanne Raom, Baron van buxus tot  
conifeerehèg,

Ugge euvergelökkige  
prins Bart de 2e

Mèt  
de gra-  
siej vanne  
Veurzitter en  
miëne veurga-  
ondje Prins, mèt de  
zèege vanne aoj-prinse  
verklaor ich hiejbij van-  
daag miën èllef punte.

Miën leuze veur dit jaor zal dèn  
auch zeen :

*Rappetappers, Zand-  
mennekes, Rabbedab-  
bers, de karnaval zitj  
in miën blood!*

*Ein dink is zeker:  
mèt Prins Bart  
de 2dje kumptj  
dit jaor alles  
good!*

**TEN IËSTE:** Ich, Bart Janssen, bèn  
vandaag zoë fier es eine geeter. Want  
ich maag uch vertèlle det ich dit jaor door  
het lèeve kan gaon es 37e groëte prins vanne  
Rabbedabbers van Kinder es: Prins Bart den 2e!

**TEN TWIËDJE:** Allein is mer allein, en det is bij  
mich gelökkig neet het geval. Aan mien zië stuit dit  
jaor: Prinses Debbie de 1e!

**TEN DÖRDJE:** Pak al mer allemaol ugge agenda oët de  
maal, sjrief het op ein bôkkaart of zèt het in ugge tillefoon! Op  
zaoterdig 25 jannewariej is mien Prinsebal! Inne Sjöttebrak op Bree  
aan, dao is het dèe aovendj te doon!

**TEN VEERDJE:** Miene veurganger waas ouch eine Bart, dèe haaj ein gro-  
ete 1 achter ziëne Prinsetitel staon! Aangezeen det bij mich ein 2 is dit jaor,  
stèl ich veur òm ouch döbbel zoëveul op stap te gaon!

**TEN VIËFDJE:** Veul eige volk op ein zitting: 't sjikske van al, en waat eedere Prins  
zich winstj! Volgend jaor optreejes vanne Rappetappers enne Zandmennekes, laot mer  
ins zeen waat gèe kintj!

**TEN ZËSDJE:** Es professionele tuinman bèn ich good mèt buim en struuk, en kin ich ouch  
hiël good zeije! Oppe daag vanne stoet môt eederein ziënen hoof verseere, en vergèet zeker neet  
uch graas sjoën te meije!

**TEN ZEEVENDJE:** Boëte de karnaval riej ich rally en dao sneuveljt waal ins ein bwat of distribusie-  
reem! er es Kinderse wuiles lach ich dao ins good mèt, want sjaai môt ter zeen!

**TEN ACHTSTE:** 't Is al hiël lank geleeje, eindelijk nog ins eine Prins vanne Raom! Ich hoop det eederein  
dao mèt mich mèt kumptj doon, en mèt de stoet langs de straot kumptj staon!

**TEN NEEGENDJE:** Van zèege, klage en vreijelle belandse veul te snel ònger de gròndj in ein houte kist! Ich roop  
den ouch dit seizoen oët tot het jaor van de lach en het fiëst, het jaor van de karnavalist!

**TEN TIËNDJE:** Mèt de Rappetappers ein stoet doon is het sjoënste van al, den huuërse neemes klage! Mer dit jaor  
weurdj het nog bèeter: Rappetappers veurlèste, en ich es Prins op den achterste wage!

**TEN ELLEFDJE:** Kinder, dit jaor gaon ich veur uch op es Prins, en ich bèn eine échte karnavalist! Veer dit gewel-  
dige fiëst mèt òs mèt, gèe wètj angers neet waat gèe mistj!

# PROKLAMASIE

## JEUGDPRINS

### STEF I

### &

## JEUGDPRINSES

### LOTTE II



#### TEN IËSTE:

Ich bèn Stef Stals, zoon van Dirk en Ann Stals. Mer vanaaf vandaag maag eederein mich aanspreeke es Jeugdprins Stef den 1e!

**TEN TWIËDJE:** En ich bèn Lotte Jaroszewski, dochter van Danny Jaroszewski en Evelyne Vaesen.

Dèe meujlikke naam laote wèe in 2014 achterwèege, want vanaaf noë heit ich Jeugdprinses Lotte de 2e!

**TEN DÖRDJE:** Mien ma en pa heite allebei Stals, det is dus 2 kiër Stals achterein! Dit jaor doon wèe dus alles int döbbel, nog miër slök en ein extra lang stoet: liektj uch det ouch neet fijn?

**TEN VEERDJE:** Mien aojers wore Prinsepaar in 2009, en ouch mien broor Lennert is mich es jeugdprins veur gegange. En aan-gezeen ich dit jaor Jeugdprinses bèn, is het deze kiër aan mich om de roëd-gèel-greun vlag oët te hange!

**TEN VIËFDJE:** Mèt de zitmèejer crosse, det doon ich gèer, den vluigtj het graas in het rëndj! En es ich later verpleger bèn, ruil ich het graasmesjen in veur eine ambulance ònger mien kòntj!

**TEN ZËSDJE:** Pasta mèt scampi's: de lekkerste kost en neet ins òngezòndj. Mer zèt mich gein mossele op taofel, diëj gèef ich drek aan den hòndj!

**TEN ZEEVENDJE:** Oppe judo laot ich mich eeder wèek gaon en kin ich mich op sportief vlak hiëlemaol gèeve. Es jeugdprins hób ich ein anger kostuum aan, en kin ich mich mèt de karnaval vollebak oëtlève!

**TEN ACHTSTE:** Ich dans bij Groove-it en ouch bij de All stars goëi ich eeder trèening de klöppel waal 100 kiëre. En es ich later juffrouw wèer, zal ich diej moves ouch aan angere liëre!

**TEN NEEGENDJE:** Juffrouw Veronique kintj de klas al beginne pimpe veur ein paar van mien Prinselikke winse. Eine kleine roëje louter en eine verseerdje troën, det is toch het minste?

**TEN TIËNDJE:** Es Jeugdprinses hób ich hiël get te zègge en ouch es vrouwmins krieg ich waal 't ein en 't anger klaar! Zoë hób ich mèt de burgemeister al get geregeldj: mien wiëk Zielderveldj kriegtj noëw stoepe dit jaor!

#### TEN ÈLFDJE:

Ôos leuze veur dit jaor zal zeen:

***Mèt Jeugdprins Stef en Jeugdprinses Lotte zal 2014 knalle!  
Danse, springe, lache en fiëste: wèe gaon weer karnavalle!***





## AANGEBRANDJE MÔPPE



**Hendrik 'Veus' Neyens** stuit aan ziën breevebôs te kal-

le mèt Jacky Kit. Es

Veuske trök nao binne geit, zeet hèn tege Kim: "Dju, dèn Jack is eigelik toch eine dikke stoef. Hèn zag mich hiël gruuëts det 'r al mèt alle vroluuj vanne Noordhoek heet geslaope, op ein nao!"

Kim antwoordj: "Det zal zeker en vast diej preutse Chantal van Eddy Coonen waal zeen!"

Ôm heur sekslêeve get op te krikke köptj **Lut van Marc Voortmans** oppe mètret ei slipke zônger kruuës. Ze duit het aan ônger ei kort rôkske en geit oppe divan zitte. Aaf en toë, es Marc zjust kiëktj, goeitj ze heur ein bein euver het anger. Nao ein paar kiër zeet Voortmans: "Draags dich ei slipke zônger kruuës?" "Jao," antwoordj Lut. Marc: "Oh, gelökkig, ich dach al desse op d'n hândj zaats."

## WIST GÈE DET...

... wèe dit jaor **Patrick Gijssels** tot kroënridders hóbbe oetgerope! Patrick is al jaore lank ein driendje kracht binne ôs vereeniging en diej medaalie heet hèn miër es verdeendj.

... ouch **Dirk Stals** vanne Sjans zich vanaaf dit jaor kroënridders sjriëftj. Dirk is trouwes pa van ôzze noëwe Jeugdprins Stef 1.

... **Sven Beelen** alweer geine 'Knuffelprins' is gewore op het jeugdbal. De zouz dinke det ze 't hum neet gunne!

... **Marc Meurs** oppe Zitting is oët gerope tot ridder inne Orde vanne Rabbedabbers! Zônger Marc en ziën prachtig fotowirk waas de karnavalsgezèt diej gèe noë vast höbtj mer ein kaal blèedje. Hèn heet zich dit jaor weeral ins euvetroffe. Bedanktj veur alles, Marc!

... **Maurice Maessen en Tom Van Lee** ôs noëw lede zeen bie de raad van èllef. En det wèe diej luuj van harte welkôm heite bie ôs vereeniging!!!

... aod Prins **Bart Vanderstegen** ouch eine griëze jas heet aangedaon. Hèn blijftj eine Rabbedabber!

... wèe helaas aafsjeid hóbbe môtte pakke van **Jos Breukers, Mathy Vandewal en Jack Vossen**. Dju, mèn, gèe wètj det wèe uch misse, mer het is sjik det wèe uch nog hiël veul oppe Kinderse karnavalsdaag hóbbe gèe en det gèe nog steeds helptj boë gèe kintj!

... 11 jaor geleeje **Dirk Mooren en Nathalie Gerits** ôzze groëte Prins en Prinses wore? Det jaor wore **Brecht Vanhoef en Melissa Kwaspén** het Jeugdprinsepaar van Kinder!

... 22 jaor geleeje **Jan Linsen en Reinhilde Smeets** hun Prins en Prinsessejaor belèefdj hóbbe, same mèt Jeugdprins **Prakash Aendekerck** en Jeugdprinses **Annick Geerdens**.

... 33 jaor geleeje het het jaor van Prins **René Segers** waas. En det René det jaor mèt **Dominique Gorissen** eine geweldige Jeugdprins nèvee zich haaj. Wèe misse dich, Né!

... **Bèr Smeets** euvèrlèst 40 jaor is gewore! En det ze aardig get beer hóbbe môtte verzètte allein al ôm de oëtnuuejng vèerdig te kriegel!

... ouch dit jaor de **Zomerparade** weer op het program stuit inne **fiësttent langs de Neerotersesteinwèg!** Op **zaoterdig 21 juni** is ter eine **Artiestenaovendj mèt de Shakin' DJ's, Erwin en Juulke**. Op **zôndig 22 juni** is ter inne tent eine **familienaomiddig mèt Radio Monza Laaif** en hiël get animasie.

... **Dries Terium** neet allein hiël good is in meziëk achterein zètte! Hèn heet ôs ouch gezörgdj veur ei prachtig filmke euver ôs poging ôm de Mc Tôngerlo op te èete. Bedanktj, Dries!

## ÈERDBIÈRE-OTTOMAAT ROIJAKKERS GROËT SUKSES!

De kins zègge waase wils, mer de klein zelfstandige oët Kinder zeen good ònger zich oët! Òndanks de krisis weurdj ter toch nog geïnvesteerdj in veuroëtgank. Zoë heet Bèr Roijakkers dik angerhalf jaor geleeye ein èerdbière-ottomaat geplaatstj aan ziën infrastruktuur. Het sukses waas vanaaf daag 1 immens!

Kòmmerciële rakker es Bèr is, leet ein oëtbreiding van dit inisiatief neet lank op zich wachte. Nao het fruit, kwame ter al snel ottomate mèt anger èerdbièreprodukte zoë-es èerdbièregelei, èerdbièrevlaai en condooms mèt èerdbièresmaak. En veur de vriëjgezelle ònger ôs zeen ter ouch opblaosbare pöppe van miss èerdbiër te kriegel! Gèe zeetj: het gaat inne merret bestuit nog waal degelik!



## WEER EI WÈERELDJREKORD IN KINDER!



Sòms môsse veul doon veur ei wè-ereldjrekord binne te hole, en sòms kostj het dich miër miserie den het eigelik wèerd is. Mer aaf en toë viltj het bèst mèt òm ei plèetske te verovere in het Guinness Book of Records!

Café 't Rondj Puntj is ter in geslaagd om aafgeloupe jaor mer leefst 3 rekords binne te hole: de meist ònpgemerktje opening van ein hanjelszaak oëts, het minst aantal vertaptje pinte in eine maandj en het snelste fajiesement van eine café oëts! Es det gein prestasie is?! Diej van Guinness hóbbe drek ein paar huip beuk aaf gegoeidj òm dit te veere. Helaas waas ter neemes miër òm de beuk in òntvangst te pakke en zeen ze ei paar wèeke later zeiknaat mèt gepaktj door de mèn van het aod pepeer. Sjaai!





## KARNAVAL WIRKTJ VERZOORING MAATSJAPPIËJ INNE HANDJ?

Nog ei paar daag en den is het weer niks es kômmer en kwel veur de bewoëners vanne Esserstraot. Sins jaor en daag gebeurdj dao de opstëlling van ôs karnavalstoet en det zörgtj veur niks es euverlast. Gèe dinktj noë missjien: “mer alé?” mer dao zeen waal degelik ein aantal groëte probleme diej ter veur zörge detter sômmege luuj neet kinne sloape al wëeke veur de stoet!

Iëst en veural is ter 't feit det de ôpstëlling altiëd gebeurdj aane rechterkant vanne straot. Door de trillinge vanne basbokse kôme ter sjeure en gate in de makedam en door de weerkaatsing vanne meziëk

kriëge sômmege hoezer barste inne moor! Geine zeiver! Dao zeen al vaststëllinge gedaon det door het gewicht van al diej traktöers en diej wagens de wëeg aane rechterkantj ei klei bitje gezaktj is ten opzichte vanne linkerkantj. Biej hevige rëegen stuit ter miër water inne rechtergeut den inne linkergeut. Lèevesgevaorlik!!!

Ômdet wëe Rabbedabbers altiëd nao ein oplossing wille zeuke, hōbbe wëe eine wirkgroep opgerichtj ôm diej ellende aan te pakke. Want wëe beseffe ouch det eeder jaor diej 2 oor miserie, desse dao vanzelf wëers van weurs. En karnaval veere, det werktj

neet esse wëers bès, des ei feit.

Iëst en veural stëlle wëe veur det wëe vanaaf 2015 beurtelings gaon parkere. Den zakke de 2 kante vanne wëeg hopelik èeve hël. Hopelik kinne wëe zoë ouch de impakt vanne desibèls get verdeile euver de versjillendje gevels. Spesiaal veur de bewoëners vanne Esserstraot zulle wëe get kermèlle mèt valium goëje: dao weurse drek ei pak röstiger van. En es al diej maotregale nog neet zouwe helpe, gaon wëe gewuuen veur det de stoet vertrèktj eederein eine persoënlukke knuffel gëve! En zoë kumtj hopelik alles weer good!!! Esserstraot alaaf!





**WAAT VROLUUJ ECHT BEDOELE ...**

JAO	MISSIEN
NËE	MISSIEN
MISSHEN	NËE
SORRY	HET GEBEURTJ TOCH WIEJ ICH HET WIL
WËE WILLE ...	ICH WIL ...
DOOT WAAT DESSE WILS	HIEJ GEISE SPIËT VAN KRIEGE
WËE MÓTTE KALLE	GANK ZITTE, ZWIEG EN LOËSTER
GANK MER	ICH WIL NEET DESSE GEIS
ICH BËN NEET KWAOD	NATEURLIK BËN ICH KWAOD
ICH WIL NOËW GERDIËNE	ICH WIL EINE VOLLEDIG NOËWE OËTZËT
DE KEUKEVLOER BEGINTJ TE SUIËTE	ICH WIL EI NOËW HOËES



# AANGEBRANDJE MÔPPE



## Dennis Verlaek

kumtj biejen menier pestoer vraoge of hêe nog waal in de hemel zal kôme. "Is ter den ein reeje desse dinks neet in de hemel te kôme?" vreugtj pestoer. "Waal," zeet Dennis, "'t Geit 'r nogal hêl aan toë es Wendy en ich seks hóbbe." "Ah zoë, mer dien vrouw vindj det good?" vreugtj pestoer. "Jao, jao, absoluut!" antwoordj Dennis.

"Den zeen ich gein inkel probleem," zeet de pestoer. "Mer het geit ter echt hiël hêl aan toë. Ze stiktj heure kop den in eine groëte diepvries en en pak ich heur hêl langs achter..." vóltj Verlaek aan. Pestoer vreugtj ei bitje geeneerdj: "Howla, mer ze vindj det allemaol gein probleem?" Dennis: "Nëenëe, ze vindj det zelfs hiël lekker!" Pestoer: "Den is ter toch niks òm dich zörg euver te make desse neet in den hemel zuls gerake." "Oef!" zuchtj Dennis. "In den Delhaize moge wèe òngertösse al neet miër binne!"

**Marc van Hover** weurdj 's mör ges vreug wakker mèt ein ereksie. Hêe stuuëtj ins tege **Suzanne** en zeet: "Hiej, veul ins, waat gaon wèe dao mèt doon?" Suzanne kiëktj ins mèt heur slaopouge en zeet: "Es ich dich waas zou ich 'm ins wasse, noë det de rimpels ter ins oët zeen."



# MÔPPE

**Lien Theijbers** stuit inne badkamer veur de speegel crème op heur gezicht te smeere. “Veurwaat dootj gèe det, mama?” vreugtj heur zootje. “Om mich sjoën te make,” zeet Lien. Efkes later paktj ze ei spunske en begintj ze de crème oët te vèege. ‘t Mènke kiëktj hiël bezörgtj en zeet hiël stillekes: “‘t Hulptj neet echt hè, mama?”

**Gunther Leenders** beltj nao garaasj Jacobs: “HIK, miëne otto wiltj neet miër starte, HIK, want ich höb water inne karter, HIK. Jacobs zeet: “Des niks, ich kôm waal efkes kiëke. Boë stuise?” Gunther: “HIK, ich staon inne Aa-beek! HIK”

**Riëk van Kaat** kumtj nao 30 jaor nog ins inne kirk òm te beechte, en hèe geit de beechtstool binne. Hèe trèktj drek groëte ouge. Ein minibar, ein sjaal sjoklaate prelinne, posters van bloëte vroluuj, ... Op ins zweijt de deur ope en stuit pestoër dao. Riëk: “Eerwaarde, vergèef mich. ‘t Is al lang geleeje det ich nog inne kirk waas, mer ich môt toëwgèeve detter veul is veranderdj. Pestoër: “Maak dich ter oët, lômperik! De zits aan miëne kantj!!!”

’s Mörjes vreug aane taofel bij de familie Hoeken.

**Lisbeth:** “Zèg **Wout**, deze nacht höbse mich in diene slaop oët-gemaaktj veur alle voële vès!”  
Wout: “Wèem zeet det ich sleep?”

Waat veur vloer lègge ze meestal in eine moskee? Islaminaat!

Boëveur heet eine olifant roëi ouge? Den zuuëse hum neet staon in ein èerdbiëreveldj!



## BEKKERIEJ MARTENS ÔNTWIKKELD

Het is erg òm te zègge, mer bij Bekkeriej Martens zeen ze het slachtoffer gewore van hun eige sukses. Noë Martens nog mer de innige werme bekker is in 't Dörp, zeen de wachtriëje nog langer den ze al wore. Wèem in 't wiekend al ins veur ein mik of ei zekske pistoleekes nao dao geit heet vast en zeker al ins aangesjove wiëj op eine heite zomerdag in Bobbejaanlandj of Walibi. Neet te doon! Ze höbbe zelfs het bekske mèt de nummerkes boëte môtte

zètte en 't ein en 't anger aaf môtte make mèt iëzere baare.

Gelökkig heet Guy ter get op gevônje. Klantje diej gèer snel bedendj wille wèere, ouch es het poëpdrök is, kinne tege betaling op internet eine speedy-pas aanvraoge. Zjust geliëk in Walibi! Mèt det peske kintj gèe uch aanmelde aan de speciaal dreijdeur aane ziëjkantj. Op diej meneer kintj gèe de wachtriëj òmzeile.



# TomorrowTwan

*Star op Kintj, Sunday is Gift, Mings in Kintj*

Oët gooje bron weite wèe det Toon en Twan Smeets ein samewirking mèt Tomorrowland op puuj gaon zètte! Zeker noë het geplendje twiedje wiewend van het dansfestival in Boum mèt ein rechtzaak weurdj tege gehouje door get zoor buurtbewoëners diej eine advokaot ônger d'n erm hōbbe gepaktj. Dao is ein euvereinkōmst inne maak zoëdet det ekstra wiewend toch kintj door-gaon, in ôs eige Kinder!

Twan zeet het es volgtj: "Ich es ervare tuinman bèn ter van euvertuugtj desse gezōnje gruj neet moogs tege houje. Det zeen ich dageliks in miën sèrre en in d'n hoof. Toon en ich haaje nao ôs veurig Tuinfest het geveul det wèe nog bèeter kinne. Det fiëstje in Boum is degelik, doa neet van. Mer waat diej luuj misse, is dèe echte booreboëtesfeer dèe hiej in Kinder hingtj. Det Tomorrowland

ein rechtzaak aan heur bein heet, kumtpj veur ôs eigelik good oët. En gèe wètj: d'n eine zien doëd is d'n anger zien broëd!"

Twan heet de aafgeloupe maandje hël gewirktj in ziën tuinhuuske aan ei sjoën podium. Ouch het logo is flink ônger hènj gepaktj. Mèt ein oëtgekiendj plan wille Toon en Twan ein aantal groëte name nao TomorrowTwan hole. Artieste zulle ferm inne watte gelag wèere mèt met Kinderse spesialiteite zoë-es asperges, Vinken Blond en eige geteeldje wiet.

Boëte artieste van heinde en verre geliëk Laaik Mike en Dimitri oët Las Vegas, is ter ouch plaats veur lokaal DJ-talentj. Zoë plentj DJ Coloseum eine groëte kōmbèk,

en ouch Radio Monza zal veur get gooj DJ's zōrge. Verder ligge de Jokers mèt DJ Moob al vast. Twan is ouch nog aan 't ôngerhanjele mèt DJ Prenen, mer det is neet gemekkelik. Prenen heet mèt zien gekopjeerdje cd's eine sjrik gepaktj van diej mèn van Sabam, en det is miër es begriepelik. Ein oplossing zou zeen det Prenen meziëk dreitj van oët ein groëte kertōnne doës, det ze hum neet vinje bieje eine ônverwachse kōntrol.

Wèe kiëke alvast oët nao TomorrowTwan 2014, dao gaon wèe fiëste wiej de biëste!



## J SPEEDY-PAS

Det veul minse zich vraoge stèlle bieje dees meneer van wirke, dao stuit Guy bove. "Es kleine zelfstandige wil ich ouch mer det de zaak bliëftj dreije es ein tiet, en dao zeen luuj genōg diej bereidj zeen ôm get extra te betale veur ein sneller serviës," aldus eine zelfzekere Guy Martens. Wèe vanne Rabbedabbers vinje det hèe miër es geliëk heet. Broëd is noë einmaol ei luxeproduct en den wètse det de priëze sōms sneller stijge den verwachtj...



# FUSIEJ VOETBAL NEET VANZELFSPRÈEKENDJ!

De fusiej van zoëget alle Kinderse voetbalklups is ei feit! Waat tot ei paar jaor trök nog es ònmeugelik woor gezeen, kumtj ter toch aan! Det det neet zoë gemekkelik is, stuit es eine paol bove water. Biësel duit alvast neet mèt, en mèt ein gooi reeje. Het besteur van Biësel heet ei waterdicht miërjaoreplan opgestèldj mèt ein garansie det ze binne de 10 jaor ein volwaardige ièersteklasseklup zeen. In West-Vlaondere allein zeen ter ouch al 4, dus Biësel heet gooie mood det ze diej leegtje in òs eige Limburg gaon opvölle.

Wèe ginge bij KFC, Ekselsior en Blauwvoot òs leecht opstèeke, hōbbe versjillendje betrōkkene aane tandj geveuldj en hōbbe ein aantal veurstèlle op pepeer gezat. Want gèe wètj: es het euver de fusiej geit, zeen wèe es karnaval al serieuus ervaringsdeskundige!

Òm de kirk inne midde te haoje en toch ouch ei bitje de gesjiedenis vanne versjillendje klups in iëre te haoje weurdj de noëwe naam: Gefusioneerdje Köninklike Eksellente Blauwvooter FC. Doa mōt ei noëw stadion kōme kortbij 't gemeindjehoës, òm geine zeiver te kriege mèt supporters bove de 50 jaor. Diej zeen nog hiël erg geveulig es het op eine mèeter miër of minder verplaatsing aan

kumtj. Òm neet te veul kōste te hōbbe, weurdj ei noëw stadion gezat mèt de bèste òngerdeile vanne reeds bestaondje akkomodasies. De kantien van Kinder zal wèere euvergebracht, en ouch het klein kantienke van Ekselsior, wegens de groëte gezelligheidsfaktor van det dink. Van Kèsing weurdj allein het hēk achter de gool en de GSM-mast gerekupereerdj. De rest is bazaar en aoje kraom. Es de terreine van Blauwvoot later wèere oëtgebaggerdj, zal mèt ei deil vanne opbringst eine sterspeuler wèere aangetrokke.

Ouch waat betrefjt ei noëw supporterslokaal weurdj zoë neutraal meugelik gestartj. Dao zal eine òngebruuëktje café verplaatstj wèere nao dao. Aangezeen ze Café 't Rōndj Punt toch aane straotstein neet miër kwiët gerake is ouch det probleem snel opgelostj!

Es klubkleure is het neet zoë meujlik: roëd en blauw. Dao mōsse geine gelieërdje veur zeen! Het beer det inne kantien getaptj zal wèere is Vinken oët Geistinge. Den hōbbe diej toch ouch get òm gruuëts op te zeen!

Ouch veur de kaartiers oët Kèsing zōrge wèe veur ein oplossing. Ze kriege gewuuën ei splintjernoëw

tōffelke inne noëw kantien. Det is het minste waase kins doon, want diej men hole al jaorelank miër puntje mèt kaarte den de iëste ploog van Blauwvoot!

Waat betrefjt de konsumpsiebōnne zeen wèe ter nog neet euver oët. Dao zulle zoëwiezoë ein aantal probleme opduike. Tei gitaar heet al laote weite det 'r nog 120 bōnne van Ekselsior bjun heet ligge. Dao zou toch op ziën minst get mōtte geregeldj kinne wèere det diej op de ein of anger meneer kinne wèere ingeruuldj veur noëwe.

Nateurlik is neet eederein 100 % te vinje veur ein fusiej. 'Ja Wie?', oët Ophove, dèe verder anoniem winstj te blieve, heet euver de fusiej gezag: "Euver miën liëk!"

Det zal waal gein probleem zeen, want es de boekhaojing van Ekselsior weurdj naogekeke, zulle ter zeker waal get liëke oët de kast valle!

Ein dink is zeker: de noëw fusiejklup geit ein prachtige toekomst tegemoet, es diej iëste 20 jaor gevreijel achter de rōk zeen!





DRUEG BROED???

TJA, D'N TIJD VAN BELÈGGE IS VEURBIJ...



LIMBURGER VEREINIGINGSCAFÉ BIJ OËTSTEK

KLEIN AANPASSING VEUR WINGS OF FREEDOM GEIN INKEL PROBLEEM VEUR LEI !



VODKA+HESLÖSKES: SLECHT VEUR DE NEERE RUM+HESLÖSKES: SLECHT VEUR DE LEEVER

GIN+HESLÖSKES: SLECHT VEUR DE HERSENE WISKY+HESLÖSKES: SLECHT VEUR HET HART

HET LIËKTJ TER OP DEET DIEJ HESLÖSKES VEUR ALLES SLECHT ZEEN!

DE MENS HET...



MIEN GOOD VEURNUMME VEUR DIT JAOR IS AAFVALLE !

ICH GAON IN 'T VERVOLG DE FRITTE TE VOOT HOLE !



MADDY NEET TE SPRÈEKE EUVER KINJERARBEID!

"VEUL GELDJ BETAALTJ VEUR EI NOËW PAAR SPORTSJOON, EN NAO 2 WÈEKE LEET HET STIKSEL AL LOS!"



GEZEEN OPPE ZITTING ...

D'N TRÈKVOGEL !



ZOU LIONELL OUCH AAN 'T RADIKALLIZERE ZEEN?

# AANGEBRANDJE MÔPPE



## Koen Quix

beltj aan biejein noew seksclub. Door den interkom klinktj ein vrouwestöm: "Zèg het mer." Koen: "Daag medam, ich bèn Koen en ich wil ins flink geneijdj wèere." "Det kintj," zeet 't vrouwmins. "Mer wèe zeen ein beslote club en de môs iest 100 euro donere inne breevebös langs de deur." Koen stiktj 100 euro inne bös en wachtj aaf. Dao gebeurdj eine hiële tiëd niks en hèn beltj opnoew aan. "Zèg het mer," klinktj het weer. "Ich ben Koen en ich wil ins good geneijdj wèere," zeet Quix. Zeet het vrouwmins: "Alweer?"

Vreugtj het negerke aan ziën moojer: "Ma, maag ich nog ins mèt uch tette speule?" Zeet moojer: "Alé den, 't is good. Mer waal op den hoof blieve hèn!"

## Kris Peeters en Jeroen Kuypers

zitte in den otto es in eine kiër Bart Douma, de pelis, bieje hun stoptj. Bart sjient mèt ziën lamp op Kris en vreugtj: "Gooienaovendj, wèe zeen op zeuk nao 2 verkrachters." Kris en Jeroen kiëke zich aan en feezelle den eine den angere get in het oër. Kris dreijt zich trök ôm en zeet tege Bart: "Oké, wèe doon het!"

## AANGEBRANDJE MÔPPE



**Liesbeth Peeters** stèltj inne klas ein vraag aan **Stef**

**Stals:** "Es ter 5 veu-

gelkes op eine tak zitte, en ich sjeet 'r 2 niër, wiejveul veugelkes zitte ter den nog?"

Stef antwoordj: "Gein, juffrouw, want door dèe knal vleege ze allemaol weg."

"Fout, het zeen ter 3," zeet

Liesbeth. "Mer dien meneer van dinke beviltj mich waal!"

Efkes later stiktj Stef ziëne vinger op. "Juffrouw, es ter 3 mèegtjes op ei benkske zitte met eine lekstok, en ei mèegtje is ter nog neet aan begos, het twiëdje zuigtj ter aan en het lèste bitj ter in, wèem van de 3 is den getrouwdj?"

"Het mèegtje det zuigtj zeker?" antwoordj Liesbeth.

"Fout," zeet Stef. "Het mèegtje mèt den trouwring òm. Mer uch meneer van dinke beviltj mich waal, juffrouw..."

**Kaj** kumtj bjun en vindj **Marc Hendrikx** bovenop **Ellen**. Hèe weurdj wit van gift en sleurtj Marc mèt nao de graasj, dreitj ziën edele deile tösse de banksj-roëf en maaktj den hendel los. Hèe geit nao de kast en puktj ein iëzerzèeg.

"Estebileef, genade!! De geis 'm ter toch neet aafzèege hè???" reuptj Marc.

"Nèe, det geise zelf doon," zeetj Kaj. "Ich gaon de graasj inne fik stèeke..."

## AOJ SPORTHAL WEURDJ DAAGOPVANG SINJORE



Mèt de kômst vanne noëw sporthal in Kinder is ter oppe gemeindj drök euverlag waat aan te vange mèt de aoj sporthal aane basissjoewl. Dao kwaam flink get kômmentaar vanne dördje lèeftiëd det de jung eine noëwe kinjeropvang hōbbe gekrege, mer det de 65-plussers weer inne kaaj blieve staon. Gelökkig kwaam ter al snel ein gooi oplossing oët de bös.

Jos Vandewal, sjepe van openbare wirke en angere kraom ligtj toë: "Wèe hōbbe in Kinder ein fel stijgendj aantal sinjore, en dèe bevolkingsgroep speult al ins regelmaotig op, detter veul te weinig fasiliteite veurhenj zeen. Dao is eigelik te weinig te doon, zeker inne wintermaondje. Bovendien is de cafetaria van Radio Monza veurzeen op eine man of 30, mer mèt al diej wanjelstek en louprèskes kinne dao hoëgoët 15 luuj terecht. Wèe hōbbe daoròm de aoj sporthal ei bitje gerenoveerdj veur de aoj van dage. Dao is nog veul wirk, mer d'r zeen al kaarttaofels,

spellekes van vreuger, sjoelbèk en eine groëte tillevisiej mèt doorloupndje herhalinge van Familie, Toës, de Bolt & de Bjoetiful en de Witte van Zichem geïnstalleerdj. Ouch is ter ei gedeiltje inne aoj kleidkamers ingerichtj mèt ein tentoënstelling van WOII, òmdet diej aojer luuj toch nog ins gèer euver d'n oorlog kalle. Òmdet ein aksidentje snel is gebeurdj, gaon wèe de vloer laote bekleije mèt dweile. Het sjoëne vanne hiël zaak is: de jōng kinjerkes hōbbe get noëwts, en de aoj garde kriëgtj opgewaardeerdje aoje kraom. Det slutj dus perfekt aan bie de respektievelikke lèeftiedskategorieje. De luuj vanne Rabbedabbers hove zich trouwes gein zörg te make: veur de Prinsezitting weurdj de hal gewuuën trök vriej gemaaktj!"

Wèe zeen al ins gaon kiëke, en zage allein mer tevreeje gezichte. Leon Pouls waas beveurbeeldj neet weg te slaon vanne taofel mèt 'Monopolie van toen det nog mèt Belzje Frange waas'.

# ÔNGERZEUK BEWIËSTJ: IN KINDER ZEEN BMW-SJEFFEURS NEET HET AGRESSIEFS!

Ei paar maondj geleeje waas ter get oët in Belsj! Dao haaj eine halve dulle mèt eine BMW nogal gevaorlik gereje oppe ottostrade. De wuiles waat achter hum reej knaldje bekans ziën bös nao de vaantjes, met gelökkig haaj ter eine kamera in ziën kammejonèt boë ter diej gekke tore mèt heet kinne filme. Dao kwaam eine stroum van reaksies en de BMW-sjeffeurs kwame ter redelik begaaidj oët volges de peblieke opiniej.


Det waas veur ôs het sein ôm ouch ins ein ôngerzeuk te haoje in Kinder. Wèem zeen hiej de flep diej de baan ônveilig make? Ei

paar Rabbedabbers hõbbe hiël get kilomèeters røndj gereje en ins aaf en toë mèt de leechte geflikkerdj ôm get olie op het veur te sjõdde (nateurlik allemaol veur het good doel)! Spesiaal veur ôs lèezers publisere wèe in dees gezèt ei paar ônthutsendje foto's, zoë det gèe wètj det het van op te passe is es ein van de volgendje gekke veur uch opduuktj!

Het ergste waas nog dèe mins oët Biësel, dèe met ziën pèerd en ker al 't verkiër aant ophouje waas det het geine naam miër haaj! Gevaorlikker kintj praktis neet! Ouch Luc Walen leet zich neet van ziëne simpa-

tiekste kantj zeen toen hèe aane Breejerwèeg veur ôs in vloog zõnger te kiëke. Toen wèe efkes mèt de leechte flickerdje staak hèe oppe koup toë ziëne middelvinger nao ôs op. Kwa ônbelèefdj zeen kintj det tèle, Luc! Mèt Piër Grispen is het zoëwiezoë altied oppasse, mer det wist gèe al. De slaagdje ter weer in ôm op ziën oëre te gaon in 't midde vanne baan... Gelökkig goëjdje wèe zjust op tiëd alles toë, anders sjreef Piër zich in 't vervolg 'kerkes-Piër'!

Wèe kinne uch allein mer eine gooje raad mèt gèeve: esse oppe baan geis in Kinder, zeet veurzichtig!





## ÔZZE BURGEMEISTER TWITTERTJ TER OP LOS!

Kinderse wuillesse diej get mèt zeen met alle noëw technologisse snufkes zulle het waal weite: ôzze burgemeister heet ein eige Twitterakkount det hêe mèt groëte

regelmaot gebruuktj. Zoë kinne de luuj van Kinder op zoëget eeder momentj vanne daag volge woë det Jo mèt bezig is. Wêe vanne Rabbedabber hōbbe ins get twiëts van hum verzameldj oët het lêste jaor. Neet te geluive waat eine burgervader al zoë mèt miktj!

facebook Zoek naar mensen, plaatsen en dingen

**Jo Brouns** Vrienden Volgend Bericht

Tijlijn Info Foto's 154 Vrienden 294 gemeenschappelijk Meer

**Jo Brouns** 11 april via Twitter  
Aspergegemeindje Kinder levertj lêste asperges van Vlaondere.  
#straklekkersmulle #eigelikneettevrēete #merdoonesof #mōrgestinkpis  
@jobrouns1 on Twitter · Delen

**Jo Brouns** 20 juli via Twitter  
Vare mèt de Paep van Meinekom III. #kōtskrank #tgeitneetmiēr #spieje  
#haajichgistermereinevinkenbeermindergezope  
@jobrouns1 on Twitter · Delen

**Jo Brouns** 1 oktober via Twitter  
Opening noëw kōntainerpark nēeve gemeindjehoeës #leweiteuverlast  
#kēnichdiejtaambuujelsinnegathouje #veulremōrkskesinkinder  
@jobrouns1 on Twitter · Delen

**Jo Brouns** 24 Januari via Twitter  
Fusiej voetbalklups OPH-KSG-KDR tot Noordoost Maasland is ei feit!  
#goojzaak #jeugdisedetoeekōmst #hahahabieëselnix  
@jobrouns1 on Twitter · Delen

**Jo Brouns** 4 mei via Twitter  
Op wēeg nao vergadering, efkes tēnke in Kēsing #megalankaansjuuve  
#gēelnummerplate #kuthollēnjers  
@jobrouns1 on Twitter · Delen

**Jo Brouns** 1 september via Twitter  
't Waas weer gezellig oppe opendeur van Radio Monza! #lindseyrakèt  
#ambiancemètchristofenlindsey #kōgel  
@jobrouns1 on Twitter · Delen

**Jo Brouns** 6 januari via twitter  
Noëwjaorsduuk Geistinge groeët sukses, zjust oët het water! #frisaanevès  
#stieftepels #gēfmicheinejägermeister  
@jobrouns1 on Twitter · Delen




## RUP 2025: GROËTE GEVOLGE VEUR KËSING!



Wêe hōbbe, zoë-es gēe ôngetwiefeldj wêtj, al sins jaor en daag vriëje toegank tot de meist geheime archieve vanne gemeindj. Noë veel lèst ôs oug op ei mepke det half weg gemōffeldj zaat in eine klasseur van ôzze burge-meister. ‘RUP 2025’ stōng ter op...

Het doordje neet lank tot d’n aap oët de moëw kwaam. Bliëkbaar stuit ter nog aardig get te wachte veur Kèsing. Het weurdj namelik wiëjer oëtgebaggerdj! Wêe hōbbe

snel eine foto getrokke van het plan, ôm uch in dees gezèt de primeur te kinne gēve. Allein de Mottetore kintj blieve, aangezeen det es monumentj erkintj is. Helaas geit de grōndj woë-op het beeldje vanne Ertesjieter stuit ter ouch aan. Mer, bèste Ertesjieters, laot de zakdeuk nog mer inne maal! Wêe vanne Rabbedabbers zulle ôs good hart laote zeen. Veur het zoë wiëd is, zulle wêe d’n Ertesjieter waal kōme oëthole, ôm hum ei plèetske te gēve nēve ôs Rabbedabberke op ’t Dōrp. Gēe zeetj den altiëd welkōm ôm mèt ôs mèt te kōme doen, es Kèsing het grōetste grindj-gaat vanne wêereldj is. En zèg noë zelf: det is toch ouch get ôm fier op te zeen! Of neet?



## MÔPPE

**Jos Moubax** geit in het noëw kultuurcentrum nao ein koncert van Stevie Wonder en naoderhandj kumtj hēe Stevie tege inne kafetaria. “Meniër Wonder,” vreugtj Jos. “Vindj gēe het neet erg det gēe blindj zeetj?” “Mer nèe,” antwoordj Stevie, “ich bèn al lang bliëj det ich geine neger bèn!”

**Guido en Pierre van Makken** gaon jage in het Brook. Inins viltj Pierre oppe grōndj, de ouge rolle nao achter, hēe is liëkbleik en het liëktj ter op detter neet miër aojemtj. Guido beltj hiël in paniek nao de hulpdeenste. “Miën broor is doëd! Waat môt ich doen, waat môt ich doen???” Het vrouwke aane tillefoon bliëfj kalm en zeet: “Rōsting mer, wêe môtte iëst zeker weite detter doëd is.”

Vervolges huuërt de tillefoniste stilte aane angere kantj vanne lijn, en efkes later klinktj ei sjet. Guido kumtj trök aane tillefoon en zeet: “Oké, waat noë?”

**Kim** vreugtj aan **Pé Hoedemakers**: “Zèg sjat, gank ins nao den Delhaize veur eine bak Jupiler en es ze eier hōbbe, bring ter 6 mèt.” Pé vertrèktj en kumtj efkes later trök mèt 6 bèk beer.

Kim: “Boëveur hōbs dich noë 6 bèk Jupiler mèt???”

Pé: “Ze haaje eier.”

**Jeugdprins Stef I** kumtj mèt ei sip muulke bjun. “Pa, ze zègge oppe sjoëwl det ich ein janèt bèn!” **Dirk** kiëktj ins op van ziën gezèt en antwoordj: “Och zoon, trèk het dich neet aan. Houw de volgendje kiër mer ins mèt diën sjakosh.”

## MÔPPE

**Rachel Coonen** zitj aane Goeërt op ei benkske appelpitte te èete. Efkes later kumtj **Jeugdprinses Lotte II** langs hum zitte.

“Boëveur bès dich eigelik appelpitte aan ’t èete?” vreugtj Lotte. “Dao weurse hiël slim van,” antwoordj Rachel.

“Zoudse ter mich get wille verkoupe?” zeet Lotte tege Rachel. Rachel: “Gein probleem, ze koste 2.5 euro ’t stök.”

“Gèef mich ter den mer 4 veur 10 euro,” zeet Lotte.

Ôs Jeugdprinses itj de pitte op en efkes later zeet ter: “Dju, ich haaj ouch veur 10 euro appels kinne gaon koupe, den zate de pitte ter gratis bie...”

“Zuuëse waal, het begintj al te wirke!” lachtj Rachel!

**Jan Lemmens** kumtj in ’t wiekend bie de Limburger binne, en Lei leutj ter gein graas euver gruje: “Zèg Jan, de hõbs nog 10 pinte staon van aafgeloupe dônderdig!” Jan bedinktj zich gein sekonde: “Van dônderdig nog? Drink dich diej den zelf mer oët!”

**Pé Theijbers en Annemie** gaon int wiekend ins nao de Alphorn. Oppe dansvloer geuftj eine kèerel ein geweldige show, wirkelik fenomenaal waater allemaol leutj zeen! Annemie kiëktj nao Pé en zeen: “Zuuëse dèe mins dao? 25 jaor geleeje vroeg dèe mich ten huwelik, mer ich leet ’m valle veur dich...” Pé: “Het zuuët ’r nao oët det hèe det nog altiëd aan ’t veere is!”

**Mathijs Maes** zètj in Mezeik ziëne otto op ein parkeerplaats veur gehandicapten. Aan de angere kant vanne wèeg stuit eine pelis. “Hela, waat is diene handicap, meniër?” vreugtj de pelis. Mathijs reuptj: “Gilles de la Tourette, kloëtzak!”

## TÔNNE RESPEKT...

... veur ôzze Jan Linssen! Oppe lèste Prinsezitting stông hèe efkes oppe bühn mèt ziën vrouwke Reinhilde es Prinsepaar van 22 jaor geleeje. Mer det efkes dao staon mèt de volgsplot oppe kuijes is lang neet genõg òm dèe mins ziën verdeenste veur de Kinderse karnaval te òngerstreepe. Jan is, sins hèe 22 jaor geleeje ziën Prinsejaor belèefdje, ouch ònaafgebroke lid gebleeve van òs vereniging! 22 jaor boë-in hèe ouch eine hiële tiëd veurzitter is gewèest. In al diej jaore hõbbe wèe es Rabbedabbers altiëd hiël veul gehad aan Jan en Reinhilde. De mós aan Jan mer get vraoge, en hèe stuit klaor òm dich te helpe. Mèt raod, mèt daod, mèt traktöers, mèt ei tillefontje òm het ein en anger geregeldj te krieger ... Kortóm: mèt vanalles! Reinhilde op heur beurt, leutj Jan toch mer altiëd gaon esser weer ins dèe stèek oppe kop zètj òm same mèt de anger Rabbedabbers te gaon karnavalle! Aan zoëwaal Jan es Reinhilde wil ich es vorst, names alle Rabbedabbers en Rabbedabberinnes zègge: eine miër es gemeindje merci!!!

*Wèe bedanke van harte de hanjelèers van Kinder diej ôzze wimpel gekocht hõbbe!*

*Het is dankzij uch det de karnaval in Kinder kan bliëve bestaon!*

Dônderdig  
27 fibrewariej 2014

**Dialektoëtzending  
radio Monza**  
Van 16 tot 22 oor

Zôndig 2 miërt 2014

**38<sup>ste</sup> stoet**  
Vanaaf 14 oor

Maondig 3 miërt 2014

**Verklèdj bal inne fanfarezaal**  
Gratis inkom • Vanaaf 20 oor

